

1021 Святых отцев VII Вселенского Собора

На Велицей вечерни, на Господи, возвах, стихиры Октоиха, воскресны 3 и восточен един: И святых отцев на 6, глас 6.

Подобен: Отчаянные:

Честныя соборы отцев,/ в разныя времена составив,/ во еди́но собра еди́нем и темже пра́вилом,/ зело добре патриарх Герман Но́вый,/ пиша купно же и держа догма́ты си́х,/ иже и молитвенникм бодрственна сиа спасения,// Господу предлагает и пастве с па́стыри.
Дважды.

Закона писание детем еврейским честную седми́цу,/ сени придерживающимся, и служа́щим сей,/ ю́же отцы стекшеся на седмом соборе манием Бо́жиим,/ в шести днех все сие соверши́вшаго,/ и седмый благослови́вшаго,/ честне́йшую соде́лаша,// предел веры изложивше.

Троицу всем от вещей, миробытия сущую вину, ясно треблаженнии отцы: три бо и четыре соборы, таинственнейшим словом положившее, и отмстителие явльшеся православнаго слова, стиха четыре суца, и Троицу изъясните, создавшую сиа, и мир сотворшую.

Добляше и единою жизнь вдохнути, лежащему сыну служащия, пророка Елиссея слячение зельно: обаче обратися седмижды, и приклоняшеся сему, провозвещая яко провидец ваша соборы, имиже умерщвление Божественнаго Слова водушите, Ария умертвившее, и его сверстники.

Кто Твою, Спасе, ризу раздрá; Арий, ты рекл еси: иже Троицы пресече еди́нчестное начало в разделения: сей отверже Тя быти Еди́наго от Троицы: сей и Несториа учит Богородицу не глаголати. Но собор иже в Nikeи, Сына Божия Тя проповеда, Господи, Отцу и Духу сопрестольна.

Слава, глас 6. Самогласен:

Таинственная днесь д́уха трубы́/ Богоносныя отцы восхва́лим,/ песнопевшия посреде цёркве,/ песнь сличную Богослóвия:/ Троицу Еди́ну непремённую,/ существó же и божество́:/ низложители Ариевы, и православных побóрники,/ молящияся всегда Го́споду,// поми́ловатися душáм нашим.

И ныне, богородичен первый гласа.

По входе прокимен дне, и чтения 3.

На литии стихиры храма. Слава, глас 3:

Апостольских преданий известнии хранителие бысте святии отроцы: Святыя бо Троицы единосущное, православно научившее, Ариево хуление соборне низложисте: с нимже и Македония духотворца обличившее, осудисте Несториа, Евтихия и Диоскора, Савеллиа же и Севира безглавнаго. Ихже прелести испросисте избавитися нам, нескверну нашему житию в вере сохранитися, молимся.

И ныне, богородичен: Без семени от божественнаго:

На стиховне октоиха.

Слава, отцев, глас 4:

Молебную память днесь, богоно́сных отце́в,/ от всея вселенная собра́вшихся,/ во свѣтлем граде Никѣ́йстем,/ православных собрания, благочестующе верно прáзднуем:/ сии бо лютаго Ария безбожное велѣние/ благочестномудренне низложíша,/ и от кафолическия церкви соборне того изгна́ша,/ и ясно Сына Бóжия/ Единосущна, и Соприсносу́щна,/ прежде век су́ща,/ всех научиша исповедати во изображении вѣры,/ извѣстно и благочестно сие изложíвше./ Темже и мы Божественным их повелением послѣдствующе,/ известно верующе служим,/ со Отце́м Сыну, и Духу Всесвятóму,/ во еди́ном Божествѣ, // Троице Единосущней.

И ныне, Богородичен: Призри на моления:

На благословении хлебов, тропарь, Богородице Дево: дважды.

И отцев, глас 8:

Препрославлен еси, Христе Бóже наш,/ светила на земли отцы наши основáвый/ и теми ко истинней вере вся ны наста́вивый,/ Многоблагоутробне, сла́ва Тебе. **Единожды.**

На утрени, на Бог Господь, тропарь воскресен, дважды. Слава, отцев. И ныне, Богородичен: Иже нас ради.

Канон воскресен со ирмосом на 4: крестовоскресен на два: и Богородицы на два: и святых на 6, егоже краеграние:

Пою блаженных собрание седьмое.

Катавасия: Отверзу уста моя:

Кондак, глас 6. Подобен: Рукописаннаго:

Иже из Отцы возсияв, Сын неизреченно/ из Жены родися сугуб естеством,/ Егоже видяще, не отметаема зрака изображения,/ но, сие благочестно начертаяюще,/ почитаем верно./ И сего ради истинную веру Церковь держащи,/ лобызает икону вочеловечения Христова.

На хвалитех стихиры воскресны 4, и отцев 4.

Глас 6. Подобен: Все отложше:

Все собравше душевное художество,/ и Божественным Духом разсмотривше/ небесный и честный символ веры,/ честнии отцы богописанне начерташа:/ в немже явственнейше рождшему/ собезначального слова научают,/ и всеистинно Единосущнаго,/ апостольским последующее проявлено учением,/ благославнии и пребогати// истинно и богомудрии. **Дважды.**

Стих: Благословен еси, Боже отец наших,/ и хвально и прославлено имя Твое во веки.

Все приемше умное сияние Святаго Духа,/ преестествонейшее благословие краткими глаголы,/ и многим разумом Богодохновенно провещаша/ яко Христовы проповедницы,/ евангельских предстателие учений блаженнии:/ и благочестивых преданий,/ свыше приемше сих откровение яве,/ и просвещшеся,// изложиша веру Богоначальную.

Соберите Ему/ преподобныя Его.

Все собравшее пастырское искусство, и ярость двигше ныне праведнейшу, отмстительне тяжкия отгнаша и пагубныя волки, пращею Духа извергшее, от церковнаго исполнения падшия яко к смерти, и яко неисцельно недуговавшия, Божественнии пастырие, яко раби истиннейшии Христовы, и Божественнаго проповедания тайницы свящнейшии.

Слава, глас 8. Георгия Никодимийскаго:

Святых отцев лик,/ от конец вселенныя стекшийся,/ Отца, и Сына, и Духа Святаго,/ едино существо научиша, и естество,/ и тайну богословия ясно предаша церкви:/ ихже похваляюще верою,/ ублажим глаголюще:/ **О** Божественный полче!/ Богоглаголивии оружницы ополчения Господня,/ звезды многосветлыя мысленныя тверди,/ таинственнаго Сиона неборимии столпи,/ миродохновеннии цвети райстии,/ всезлатая уста Слова, Никейская похвало,/ вселенныя украшение!// Прилежно молитесь о душах наших.

И ныне, Препоблагословенна еси Богородице Дево: Славословие великое. И отпуст.

И обычное исхождение в притвор.

Слава, и ныне, стихира евангельская.

На Литургии: Блаженна воскресна, на 6. И отцев, песнь 3 на 4. По входе тропарь воскресен, и отцев. Таже кондак воскресен: Слава, отцев: И ныне, Богородицы. Прокимен прежде воскресен: Таже, песнь отцев, глас 4. Благословен еси, Господи Боже отец наших, и хвально и прославлено имя Твое во веки.

Причастен: Хвалите Господа с небес: Другий: Рáдуйтесь: